



**KALAALLIT NUNAANNI EQQARTUUSSIVIMMI
EQQARTUUSSISOQ
DOMMEREN VED RETTEN I GRØNLAND
Postboks 1220, 3900 Nuuk**

**Suliani saqitsaannermut akiliisitsisarnermullu
tunngasuni 1. januar 2010-miit eqqartuussi-
vimmut akitsuutit**

Eqqartuussisarnermik inatsit nutaaq 1. januar 2010 atuutilissaaq. Eqqartuussisarnermik inatsisitaap atuutlerneru ilutigalugu eqqartuussivimmut akitsuusiisarneq Kalaallit Nunaanni atuutilissaaq. Tassa imaappoq kissaatigigaanni suliat saqitsaannermut akiliisitsisarnermullu tunngasut aalajangersimasut eqqartuussivimmit suliarineqassasut, akitsuutinik eqqartuussivimmut aallaaviusumik akiliisoqartalissaaq.

Suliap qanoq ittuunera apeqqutaatillugu akitsuut anertussusilerneqartassaaq, suliallu ilaat akitsuuserneqartassanngillat.

**1) Suliani najugarisami eqqartuussivimmit
imaluunniit Kalaallit Nunaanni Eqqartuussi-
vimmit suliarineqartuni akitsuusiineq**

a) Suliat saqitsaannermut tunngasut

Suliassanngortitsissuteqarnermut imaluunniit suliame saqitsaannermut tunngasumi illuatungaanit pi-umasaaqateqarnermut akitsuut 500 koruuniussaaq. Apeqqutaatinneqassanngilaq suliassanngortitsissummi suliassanngortitaq ataaseq arlallilluunniit allanneqarsimanersut.

Illuatungiliuttoq (suliassiisoq imaluunniit suliassanngortitaq) suliap ingerlanerani inunnik allanik akuliutsitaqarusulissappat imaluunniit allat suliame ilanngukkusulissappata taamaattoqarneri tamaasa 500 koruuninik eqqartuussivimmut akitsuutinik akiliisoqartassaaq.

b) Akiliisitsisarnerit

Akiliisitsisarnermut Eqqartuussivimmut suliassiinermi, assersuutigalugu pigisanik qularnaveeqqutitut arsaarinnissuteqartoqaqqusilluni, akitsuut 300 koruuniussaaq, apeqqutaatinnagu suliassiissummi akitsuulimmut ataatsimut piumasaaqatit arlallit pineqarnerisut. Akiitsullit arlaliuppata akiitsulimmut ataatsimut 300 koruuninik akitsuutinik akiliisoqartassaaq.

Pinngitsaaliissummik tuniniaasoqarnissamik noqqaasuteqartoqarpat, assersuutigalugu biilnik, angallammik illumilluunniit, noqqaassuteqartoq eqqartuussivimmut

akitsuutinik 500 koruuninik akiliissaaq. Piginneqataasutinik, akiitsut allagartaannik pisassarisanillu allanik pinngitsaaliissummik tuniniaanermi eqqartuussivimmut akitsuutit 300 koruuniuppup.

Eqqartuussivimmi suliassiissuteqartoqaranilu noqqaasut uppernarsaatissanngortitsinissamut tunngasuteqarpat – tasaanerukkajuttarluni misissuisitsilluni naliliisitsinissamik noqqaassut– noqqaassuteqartoq eqqartuussivimmut akitsuutinik 400 koruuninik akiliissaaq.

**2) Suliani Nunatta Eqqartuussisuuneqarfiani
imaluunniit Højesteretimi suliarineqartuni
akitsuut**

Aalajangiineq, eqqartuussivimmut akitsuutit pillugit malittarisassanut ilaasoq, Nunatta Eqqartuussisuuneqarfianut suliareqqitassanngortikkaanni imaluunniit aalajangeqqitassanngortikkaanni akitsuut 750 koruuniusoq imaluunniit 400 koruuniusoq akilerneqartassaaq.

Aalajangiineq Højesteretimit suliareqqitassanngortinneqarpat imaluunniit aalajangeqqitassanngortinneqarpat akitsuut 1.500 koruuniusoq imaluunniit 750 koruuniusoq akilerneqartassaaq.

Aalajangeqqitassanngortitsisoq aalajangiisoqarnerani tamakkiisumik ilaannakortumilluunniit taparserneqarpat imaluunniit aalajangiineq suliareqqinneqarpat eqqartuussiviup aalajangeqqitassanngortitsisimasumut eqqartuussivimmut akitsuut utertissavaa.

3) Suliat akitsuuserneqartussaannngitsut

Pissutsini aalajangersimasuni eqqartuussivimmut akitsuutinik akiliisoqartassanngilaq. Tamanna siullermik atuuppoq illuatungiliuttoq imminerminut aningaasartuutaanngitsumik suliassiinissaminut Naalagaafiup Sinniisuutitaanit akuerineqarsimappat.

Tamatuma saniatigut suliassat arlallit akitsuusigaanngillat:

- Meeravissiannngortitsineq pillugu suliat,
- Aappariinneq imaluunniit angajoqqaatut oqartussaassuseqarneq, ataataarsuineq aamma nammineq aalajangiisinnaatitaanngitsunut sinniisuutitaaneq pillugu suliat.
- Immakkut angallannermut tunngasunik nasuiaateqarnerit

- Akiliisitsiniaanerit ilaat, ingammik pi-umasaqaatit illuatungiliuttut, nammineq aningaasartuutiginngisamik suliaasiinnaasimasut, pisassaat aamma taarsiissutit, pinerlineqartup suliani pinerluuteqarsimanermit tunngasuni pisortatigut suliarineqarsimasuni pisassai.

Kiisalu eqqartuussiviup akiliisinnaassuseqanngitsunik, toqusup pigisaanik, uppernarsaasiinernik illunilla nalunaarsuinermit suliaqarnerani akitsuutinik akiliisoqartassanngilaq.

Eqqartuussivimmu akitsuutinik akiliisoqassanersoq qularutigineqarpat siullermik Kalaallit Nunaanni Eqqartuussivik apeqqummik aalajangiisuusassaaq.

4) Eqqartuussivimmu akitsuummik kina aalajangersaasassava aamma akiliisitsiniuteqartassava?

Tamatigut Kalaallit Nunaanni Eqqartuussivik akitsuummik aalajangersaallunilu akiliisitsiniuteqartassaaq, apeqqutaatinnagu suliami saqitsaanermit imaluunniit akiliisitsiniaarnermit tunngasumi noqqaassut eqqartuussivimmu, Kalaallit Nunaanni Eqqartuussivimmu imaluunniit Højesteretimit suliasanngortinneqarsimanersoq.

Eqqartuussivimmu akitsuummik akiliisoqarsimanngippat imaluunniit akitsuut eqqortoq akilerneqarsimanngippat Kalaallit Nunaanni Eqqartuussiviup noqqaassuteqarsimasoq attaveqarfigissavaa akitsuummillu imaluunniit akitsuutip sinneranik akileeqqullugu. Tamanna ilutigalugu Kalaallit Nunaanni Eqqartuussivik akitsuummik akiliinissamut piffissaliissaaq.

5) Eqqartuussivimmu akitsuut akilerneqanngippat imaluunniit amigarpat susoqassava

Eqqartuussivik pineqartoq suliamik isummerfiginnissappat eqqartuussivimmu akitsuummik eqqortumik akiliuteqarsimanissaq piumasagaataavoq.

Akitsuut Kalaallit Nunaanni Eqqartuussiviup piffissaliussaata iluani akilerneqarsimanngippat noqqaassut atorunnaassaaq. Tamatuma kingorna noqqaassuteqaqqittoqartariaqassaaq, eqqartuussivimmu akitsuummik akileeqqittoqarluni, kissaatigineqarpat eqqartuussiviup noqqaassut suliarissagaa.

Eqqartuussivimmu akitsuutip sinnerata akilerneqarsimannginnera pissutigalugu noqqaassut atorunnaassappat akitsuut akilerneqareersimasoq utertinneqassaaq.

6) Eqqartuussivimmu akitsuut kimut akilissavara aamma paasissutissat suut eqqartuussiviup pissavai?

Eqqartuussivimmu akitsuut Kalaallit Nunaanni Eqqartuussivimmu akilerneqassaaq. Taamaaliortoqarsinnaavoq eqqartuussiviup Grønlandsbanken A/S-imi kontoanut ikisinikkut, **nal.no. 6471, konto no. 1032663**. Ikisinermit pingaaruteqartorujussuavoq ilisimatitsissutigissallugu aningaasanik ikisisup aqqa, kina illuatungiliuttuunersoq immaqalu ikisisup nammineq journalnormua. Suliaq eqqartuussivimmi, noqqaassummik suliarinnittussami, nalunaarsorneqarsimappat eqqartuussiviup suliamut normulius-saa ilisimatitsissutigineqassaaq. Aningaasanik ikisaqareersimaguit noqqaassutit eqqartuussivimmu nassiukkukku ikisimasannut uppernarsaammik ilanngussissaatit.

7) Eqqartuussivimmu akitsuut qanoq maalaarutigisinnaavara?

Eqqartuussivimmu akitsuut Kalaallit Nunaanni Eqqartuussiviup aalajangersarsimasaa naammaginngikkukku Kalaallit Nunaanni Eqqartuussivimmu maalaaruteqassaatit. Maalaarut tunniunneqareersimasaaq akitsuutinik akiliisussaatitaasup akitsuutip annertussulernerqarneranik ilisimasaqalerneriit kingusinnerpaamik sapaatit akunneri arfinillit qaangiutsinnagit. Kalaallit Nunaanni Eqqartuussiviup akitsuusiinissamik inaarutaasumik aalajangiinera Nunatta Eqqartuussisuuneqarfianut sapaatit akunnerisa marluk iluini aalajangeqqitassanngortinneqarsinnaavoq.

8) Paasissutissat amerlanerit perusukkukkit kina attaveqarfigissavara?

Eqqartuussivimmu akitsuutinik akiliinermi periususartoq imaluunniit akitsuut qanoq annertussulernerqartartoq qularutigigaanni Kalaallit Nunaanni Eqqartuussivimmi akitsuutilerisarfik, oqarasuaat 36 38 00, 1. januar 2010 aallarnerfigalugu ataasinngornermiit tallimanngornermit nal. 09.00 – 11.00 akornani saaffiginnissaatit. Suliani aalajangersimasuni ilitsersuineq Kalaallit Nunaanni Eqqartuussivimmu akitsuutit aalajangersavinneqarneranni pituttuisassanngilaq.